

An Bhruiséil, 14 Iúil 2026
(OR. en)

11909/26

EF 209
ECOFIN 1019
DELECT 115

NÓTA CLÚDAIGH

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	13 Iúil 2026
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	C(2026) 4777 final
Ábhar:	RIALACHÁN TARMLIGTHE (AE) .../... ÓN gCOIMISIÚN an 13.7.2026 lena leasaítear na caighdeáin theicniúla rialála a leagtar síos i Rialachán Tarmligthe (AE) 2017/583 a mhéid a bhaineann le ceanglais trédhearcachta le haghaidh ionaid trádála agus gnólachtaí infheistíochta i leith díorthach, i Rialachán Tarmligthe (AE) 2017/2194 a mhéid a bhaineann le horduithe pacáiste agus i Rialachán Tarmligthe (AE) 2025/1155 a mhéid a bhaineann le sonraí ionchuir agus aschuir na teilitéipe comhdhlúite maidir le díorthaigh thar an gcuntar, agus lena gceartaítear Rialachán Tarmligthe (AE) 2017/587 ón gCoimisiún

Gheobhaidh na toscaireachtaí i gceangal leis seo doiciméad C(2026) 4777 final.

Faoi iamh: C(2026) 4777 final



AN COIMISIÚN
EORPACH

An Bhruiséil, 13.7.2026
C(2026) 4777 final

RIALACHÁN TARMLIGTHE (AE) .../... ÓN gCOIMISIÚN

an 13.7.2026

lena leasaítear na caighdeáin theicniúla rialála a leagtar síos i Rialachán Tarmligthe (AE) 2017/583 a mhéid a bhaineann le ceanglais trédhearcachta le haghaidh ionaid trádála agus gnólachtaí infheistíochta i leith díorthach, i Rialachán Tarmligthe (AE) 2017/2194 a mhéid a bhaineann le horduithe pacáiste agus i Rialachán Tarmligthe (AE) 2025/1155 a mhéid a bhaineann le sonraí ionchuir agus aschuir na teilitéipe comhdhlúite maidir le díorthaigh thar an gcuntar, agus lena gceartaítear Rialachán Tarmligthe (AE) 2017/587 ón gCoimisiún

(Téacs atá ábhartha maidir le LEE)

MEABHRÁN MÍNIÚCHÁIN

1. COMHTHÉACS AN GHNÍMH THARMLIGTHE

Le Rialachán (AE) Uimh. 600/2014 ó Pharlaimint na hEorpa agus ón gComhairle¹ ('MiFIR'), rialaítear an chaoi a n-oibríonn an trádáil san Aontas. Tugadh isteach na leasuithe reachtacha is déanaí ar MiFIR le Rialachán (AE) 2024/791 ó Pharlaimint na hEorpa agus ón gComhairle² ('an t-athbhreithniú ar MiFIR'). Leis an athbhreithniú ar MiFIR, baintear na príomhbhacainní ar thrí theilitéip chomhdhlúite a chruthú, ceann amháin le haghaidh gach ceann de na haicmí sócmhainní seo a leanas: bannaí, scaireanna agus cistí arna dtrádáil ar an malartán (ETFanna), agus díorthaigh thar an gcuntar. Leis an athbhreithniú ar MiFIR, méadaítear trédhearcacht agus iomaíochas mhargaí an Aontais sa tírdhreach domhanda. Foilsíodh in *Iris Oifigiúil an Aontais Eorpaigh* é an 8 Márta 2024 agus tháinig sé i bhfeidhm an 28 Márta 2024.

Leis an athbhreithniú ar MiFIR, ceanglaítear ar an Údarás Eorpach um Urrúis agus Margáí (ESMA) caighdeáin theicniúla rialála (CTRanna) a fhorbairt chun cuid de shonraí teicniúla na rialacha nua a leagan síos. Tugtar de chumhacht don Choimisiún dréachtcaighdeáin theicniúla rialála den sórt sin a ghlacadh i gcomhréir le hAirteagail 10 go 14 de Rialachán (AE) Uimh. 1095/2010 ó Pharlaimint na hEorpa agus ón gComhairle³.

Leis an athbhreithniú ar MiFIR, tugadh isteach leasuithe ar na ceanglais trédhearcachta is infheidhme maidir le hionaid trádála agus gnólachtaí infheistíochta i leith díorthach, d'fhonn rialacha a shimpliú agus a chomhchuibhiú a thuilleadh, trédhearcacht trádála a mhéadú agus feabhas a chur ar an bpróiseas praghasmhúnlaíthe. Is gá, dá bhrí sin, na ceanglais trédhearcachta réamhthrádála agus iarthrádála a leagtar síos i Rialachán Tarmligthe (AE) 2017/583 ón gCoimisiún maidir le díorthaigh⁴ a thabhairt cothrom le dáta. Is gá freisin Rialachán Tarmligthe (AE) 2017/2194 ón gCoimisiún⁵ maidir le horduithe pacáiste a thabhairt cothrom le dáta.

¹ Rialachán (AE) Uimh. 600/2014 ó Pharlaimint na hEorpa agus ón gComhairle an 15 Bealtaine 2014 maidir le margáí in ionstraimí airgeadais agus lena leasaítear Rialachán (AE) Uimh. 648/2012 (IO L 173, 12.6.2014, lch. 84, ELI: <http://data.europa.eu/eli/reg/2014/600/oj>).

² Rialachán (AE) 2024/791 ó Pharlaimint na hEorpa agus ón gComhairle an 28 Feabhra 2024 lena leasaítear Rialachán (AE) Uimh. 600/2014 a mhéid a bhaineann le trédhearcacht sonraí a fheabhsú, deireadh a chur leis na bacainní atá ar theacht chun cinn teilitéipeanna comhdhlúite, na ceanglais trádála a bharrfheabhsú agus toirmeasc a chur ar íocaíocht a fháil i leith sreabhadh orduithe (IO L, 2024/791, 8.3.2024, ELI: <http://data.europa.eu/eli/reg/2024/791/oj>).

³ Rialachán (AE) Uimh. 1095/2010 ó Pharlaimint na hEorpa agus ón gComhairle an 24 Samhain 2010 lena mbunaítear Údarás Maoirseachta Eorpach (an tÚdarás Eorpach um Urrúis agus Margáí), lena leasaítear Cinneadh Uimh. 716/2009/CE agus lena t-aisghairtear Cinneadh Uimh. 2009/77/CE ón gCoimisiún (IO L 331, 15.12.2010, lch. 84, ELI: <http://data.europa.eu/eli/reg/2010/1095/oj>).

⁴ Rialachán Tarmligthe (AE) 2017/583 ón gCoimisiún an 14 Iúil 2016 lena bhforlíontar Rialachán (AE) Uimh. 600/2014 ó Pharlaimint na hEorpa agus ón gComhairle maidir le margáí in ionstraimí airgeadais a mhéid a bhaineann le caighdeáin theicniúla rialála i dtaca le ceanglais trédhearcachta le haghaidh ionaid trádála agus gnólachtaí infheistíochta i leith bannaí, táirgí airgeadais struchtúrtha, lamháltais astaíochtaí agus díorthach (IO L 87, 31.3.2017, lch. 229, ELI: http://data.europa.eu/eli/reg_del/2017/583/oj).

⁵ Rialachán Tarmligthe (AE) 2017/2194 ón gCoimisiún an 14 Lúnasa 2017 lena bhforlíontar Rialachán (AE) 600/2014 ó Pharlaimint na hEorpa agus ón gComhairle maidir le margáí in ionstraimí airgeadais i ndáil le horduithe pacáiste (IO L 312, 28.11.2017, lch. 1, ELI: http://data.europa.eu/eli/reg_del/2017/2194/oj).

Leis an athbhreithniú ar MiFIR, tugadh de chumhacht do ESMA freisin sonraí ionchuir agus aschuir na teilitéipe comhdhlúite a shonrú le haghaidh díorthaigh thar an gcuntar. Dá bhrí sin, is gá Rialachán Tarmligthe (AE) 2025/1155 ón gCoimisiún⁶ a leasú.

Leasaíodh Airteagal 12 de Rialachán Tarmligthe (AE) 2017/587 ón gCoimisiún⁷ le Rialachán Tarmligthe (AE) 2025/1246 ón gCoimisiún⁸. Leis an leasú sin, scriosadh Airteagal 12(6) de thaisme lenar ceanglaíodh ar ghnólachtaí infheistíochta na bearta réasúnacha uile a dhéanamh chun a áirithiú go gcuirfí an t-idirbheart ar fáil don phobal mar idirbheart aonair. Os a choinne sin, coinníodh Airteagal 12(4) den Rialachán céanna de thaisme, cé go raibh sé beartaithe é a bhaint. Dá bhrí sin, is gá na hearráidí sin a cheartú.

Déantar na leasuithe ar Rialachán Tarmligthe (AE) 2017/583, (AE) 2017/2194, (AE) 2025/1155 ón gCoimisiún, agus na ceartúcháin ar Rialachán Tarmligthe (AE) 2017/587 ón gCoimisiún a chomhcheangal in aon Rialachán Tarmligthe amháin ón gCoimisiún, toisc go bhfuil gá leo uile chun córas trédhearcachta éifeachtach a bhaint amach agus chun teilitéip comhdhlúite le haghaidh díorthaigh thar an gcuntar a bhunú go rathúil.

2. COMHAIRLIÚCHÁIN ROIMH GHLACADH AN GHNÍMH

I gcomhréir le hAirteagal 10(1) de Rialachán (AE) Uimh. 1095/2010, sular cuireadh na CTRanna faoi bhráid an Choimisiúin, rinne ESMA comhairliúcháin phoiblí oscailte le geallsealbhóirí⁹. I gcomhréir le hAirteagal 11a(3) agus Airteagal 22b(3), pointe (b), de MiFIR, chuir ESMA san áireamh comhairle an tsainghrúpa páirtithe leasmhara maidir le cáilíocht agus prótacail tarchurtha sonraí margaidh cothromais agus neamhchothromais¹⁰.

⁶ Rialachán Tarmligthe (AE) 2025/1155 ón gCoimisiún an 12 Meitheamh 2025 lena bhforlíontar Rialachán (AE) Uimh. 600/2014 ó Pharlaimint na hEorpa agus ón gComhairle maidir le caighdeáin theicniúla rialála lena sonraítear sonraí ionchuir agus aschuir teilitéipeanna comhdhlúite, sioncrónú clog gnó agus athdháileadh ioncaim ag an soláthraí teilitéipe comhdhlúite le haghaidh scaireanna agus ETFanna, agus lena t-aisghairtear Rialachán Tarmligthe (AE) 2017/574 ón gCoimisiún (IO L, 2025/1155, 3.11.2025, ELI: http://data.europa.eu/eli/reg_del/2025/1155/oj).

⁷ Rialachán Tarmligthe (AE) 2017/587 ón gCoimisiún an 14 Iúil 2016 lena bhforlíontar Rialachán (AE) Uimh. 600/2014 ó Pharlaimint na hEorpa agus ón gComhairle maidir le margáí in ionstraimí airgeadais a mhéid a bhaineann le caighdeáin theicniúla rialála i dtaca le ceanglais trédhearcachta le haghaidh ionaid trádála agus gnólachtaí infheistíochta i leith scaireanna, admhálacha taisclainne, cistí arna dtrádáil ar an malartán, deimhnithe agus ionstraimí airgeadais comhchosúla eile agus i dtaca le hoibleagáidí forghníomhaithe idirbheart i ndáil le scaireanna áirithe ar ionad trádála nó le himmheánaitheoir córasach (IO L 087, 31.3.2017, lch. 387, ELI: http://data.europa.eu/eli/reg_del/2017/587/2026-03-02).

⁸ Rialachán Tarmligthe (AE) 2025/1246 ón gCoimisiún an 18 Meitheamh 2025 lena leasaítear na caighdeáin theicniúla rialála a leagtar síos i Rialachán Tarmligthe (AE) 2017/583 agus (AE) 2017/587 a mhéid a bhaineann le ceanglais trédhearcachta le haghaidh ionaid trádála agus gnólachtaí infheistíochta i leith bannaí, táirgí airgeadais struchtúrtha, lamháltais astaíochtaí, agus ionstraimí cothromais (IO L, 2025/1246, 3.11.2025, ELI: http://data.europa.eu/eli/reg_del/2025/1246/oj).

⁹ Tá an doiciméad comhairliúcháin le fáil anseo: [Athbhreithniú ar MiFIR: Consultation Package 4 – transparency for derivatives, package orders and input/output data for the derivatives consolidated tape](#) [Pacáiste Comhairliúcháin 4 – trédhearcacht le haghaidh díorthach, orduithe pacáiste agus sonraí ionchuir/aschuir le haghaidh na teilitéipe comhdhlúite maidir le díorthaigh].

¹⁰ Tá na tuarascálacha críochnaitheacha le fáil anseo: [Reports by the expert stakeholder group on equity and non-equity market data quality and transmission protocols – European Commission](#) [Tuarascálacha ón sainghrúpa páirtithe leasmhara maidir le cáilíocht sonraí margaidh cothromais agus neamhchothromais agus prótacail tarchurtha – an Coimisiún Eorpach].

Rinne ESMA anailís ar chostais agus tairbhí, a cuimsíodh sa tuarascáil chríochnaitheach in éineacht le toradh na ngníomhaíochtaí comhairliúcháin¹¹. Sheol ESMA an tuarascáil chríochnaitheach maidir leis na caighdeáin theicniúla rialála chuig an gCoimisiún i mí na Nollag 2025.

3. EILIMINTÍ DLÍ AN GHNÍMH THARMLIGTHE

- Le hAirteagal 1, tugtar isteach leasuithe ar Rialachán Tarmligthe (AE) 2017/583 maidir le díorthaigh;
- Le hAirteagal 2, tugtar isteach leasuithe ar Rialachán Tarmligthe (AE) 2017/2194 maidir le horduithe pacáiste;
- Le hAirteagal 3, tugtar isteach leasuithe ar Rialachán Tarmligthe (AE) 2025/1155 maidir le sonraí ionchuir agus aschuir na dteilitéipeanna comhdhlúite;
- Le hAirteagal 4, tugtar isteach na ceartúcháin ar Airteagal 12 de Rialachán Tarmligthe (AE) 2017/587;
- Le hAirteagal 5, leagtar amach dáta theacht i bhfeidhm agus chur i bhfeidhm an Rialacháin seo.

¹¹ Tá tuarascáil chríochnaitheach ESMA le fáil anseo: [*MiFIR Review Final Report on derivatives \(transparency, packages, CTP input output\)*](#) [Tuarascáil Chríochnaitheach ar an Athbhreithniú ar MiFIR maidir le díorthaigh (trédhearcacht, pacáistí, aschur ionchuir CTP)].

RIALACHÁN TARMLIGTHE (AE) .../... ÓN gCOIMISIÚN

an 13.7.2026

lena leasaítear na caighdeáin theicniúla rialála a leagtar síos i Rialachán Tarmligthe (AE) 2017/583 a mhéid a bhaineann le ceanglais trédhearcachta le haghaidh ionaid trádála agus gnólachtaí infheistíochta i leith díorthach, i Rialachán Tarmligthe (AE) 2017/2194 a mhéid a bhaineann le horduithe pacáiste agus i Rialachán Tarmligthe (AE) 2025/1155 a mhéid a bhaineann le sonraí ionchuir agus aschuir na teilitéipe comhdhlúite maidir le díorthaigh thar an gcuntar, agus lena gceartaítear Rialachán Tarmligthe (AE) 2017/587 ón gCoimisiún

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 600/2014 ó Pharlaimint na hEorpa agus ón gComhairle an 15 Bealtaine 2014 maidir le margáí in ionstraimí airgeadais agus lena leasaítear Rialachán (AE) Uimh. 648/2012¹², agus go háirithe Airteagal 1(8), Airteagal 7(2), Airteagal 9(5), Airteagal 9(6), Airteagal 11a(3), Airteagal 21(5), agus Airteagal 22b(3) de,

De bharr an mhéid seo a leanas:

- (1) Chun a áirithiú go bhfuil an córas trédhearcachta réamhthrádála agus iarthrádála le haghaidh díorthach simplí agus, an tráth céanna, calabraithe go hiomchuí, ba cheart díorthaigh a shonrú trí thagairt a dhéanamh don chineál conartha, don chineál foluiteach agus don tréimhse go dtí aibíocht. I bhfianaise ilchineálacht na margáí díorthach tráchtearraí, ba cheart conarthaí díorthach tráchtearraí a shonrú trí thagairt a dhéanamh do shaintréithe conartha breise, lena n-áirítear an cineál ualaigh agus suíomh seachadta na ndíorthach fuinnimh.
- (2) Chun córas trédhearcachta réamhthrádála simplí agus cobhsaí a áirithiú le haghaidh díorthach, is iomchuí tairseacha seasta a thabhairt isteach chun a chinneadh cathain atá ordú díorthach ar ar scála mór. Chun gur féidir calabrú níos fearr a dhéanamh ar na tairseacha mórsála ar fud díorthaigh chothromais éagsúla arna dtrádáil ar an malartán, ba cheart na díorthaigh sin a ghrúpáil a thuilleadh ina bhfo-aicmí agus, i gcás gach fo-aicme, ba cheart na tairseacha mórsála a chalabrú trí bhandaí leachtachta a úsáid ar bhonn meánmhéideanna barúlacha laethúla.
- (3) Le hAirteagal 11a de Rialachán (AE) Uimh. 600/2014, leagtar síos ceanglais maidir le foilsiú iarchurtha i leith díorthach agus cumhachtaítear don Údarás Eorpach um Urrúis agus Margáí (ESMA) agus don Choimisiún a chinneadh cé na díorthaigh nó na haicmí díorthach atá leachtach, atá neamhleachtach, cén méid idirbhirt ar féidir foilsiú mhionsonraí an idirbhirt, agus fad na n-iarchur a iarchur os a cionn. Dá bhrí sin, is gá mionsonraí an chórais maidir le foilsiú iarchurtha i leith díorthach a chinneadh.

¹²

IO L 173, 12.6.2014, lch. 84, ELI: <http://data.europa.eu/eli/reg/2014/600/oj>

- (4) Chun córas trédhearcachta simplí cobhsaí a áirithiú le haghaidh díorthach, is iomchuí cinneadh leachtachta ar bhonn seasta a thabhairt isteach chun críocha an chórais iarchurtha a leagtar amach in Airteagal 11a de Rialachán (AE) Uimh. 600/2014. Ar an gcúis chéanna, ba cheart feidhm a bheith ag an gcinneadh leachtachta sin ar bhonn seasta freisin chun críocha an tarscaoilte neamhleachtaigh le haghaidh díorthach a leagtar amach in Airteagal 9(1), pointe (c), de Rialachán (AE) Uimh. 600/2014.
- (5) Chun córas trédhearcachta iarthrádála simplí cobhsaí a áirithiú le haghaidh díorthach, ba cheart an córas iarchurtha a leagtar amach in Airteagal 11a de Rialachán (AE) Uimh. 600/2014 a bheith bunaithe ar thairseacha seasta chun a chinneadh cad is idirbheart meánmhéide, idirbheart mórmhéide agus idirbheart de mhéid an-mhór ann. Ba cheart na tairseacha méide sin a bheith ina dtairseacha íosta. Dá bhrí sin, ba cheart oibreoirí margaidh agus gnólachtaí infheistíochta a bhfuil ionad trádála á oibriú acu a bheith in ann tairseacha níos airde a ghlacadh, i gcás inarb iomchuí. Chun gur féidir calabhrú níos fearr a dhéanamh ar na tairseacha meánmhéide, mórmhéide agus de mhéid an-mhór ar fud díorthaigh chothromais éagsúla arna dtrádáil ar an malartán, ba cheart na díorthaigh sin a ghrúpáil a thuilleadh ina bhfo-aicmí agus, i gcás gach fo-aicme, ba cheart na tairseacha meánmhéide, mórmhéide agus de mhéid an-mhór a chalabhrú trí bhandaí leachtachta a úsáid ar bhonn meánmhéideanna barúlacha laethúla.
- (6) Le hAirteagal 11(3) de Rialachán (AE) Uimh. 600/2014, ní cheadaítear do ESMA ná d'údarais inniúla an córas iarchurtha a fhorlíonadh de bhun an Rialacháin sin ach amháin i ndáil le hionstraimí fiachais cheannasaigh. Dá bhrí sin, ba cheart Airteagal 11 de Rialachán Tarmligthe (AE) 2017/583 ón gCoimisiún¹³ a scríosadh.
- (7) Le hAirteagal 1(8), an chéad fhomhír, de Rialachán (AE) Uimh. 600/2014, ceanglaítear ar ESMA sonrú a dhéanamh ar na hoibríochtaí beartais airgeadaíochta, malairte eachtraí agus cobhsaíochta airgeadais agus na cineálacha idirbheart a bhfuil feidhm ag Airteagal 1(6) agus (7) den Rialachán sin maidir leo a mhéid a bhaineann le comhaltaí den Chóras Eorpach Banc Ceannais (CEBC) nach comhaltaí den Eurochóras iad. Ós rud é nach gcumhdaítear le raon feidhme an chumhachtaithe a leagtar síos in Airteagal 1(8), an tríú fomhír, de Rialachán (AE) Uimh. 600/2014 ach idirbhearta a dhéanann comhaltaí CEBC nach comhaltaí den Eurochóras iad, ba cheart Airteagail 14 agus 15 de Rialachán Tarmligthe (AE) 2017/583 a leasú dá réir sin.
- (8) In Airteagal 16 de Rialachán Tarmligthe (AE) 2017/583 maidir le hoibleagáidí trédhearcachta a chur ar fionraí go sealadach, tá tagairtí d'fhorálacha eile den Rialachán sin agus de Rialachán (AE) Uimh. 600/2014. I bhfianaise na leasuithe ar Rialachán (AE) Uimh. 600/2014 a tugadh isteach le Rialachán (AE) 2024/791 ó Pharlaimint na hEorpa agus ón gComhairle¹⁴ agus na leasuithe ar

¹³ Rialachán Tarmligthe (AE) 2017/583 ón gCoimisiún an 14 Iúil 2016 lena bhforlíontar Rialachán (AE) Uimh. 600/2014 ó Pharlaimint na hEorpa agus ón gComhairle maidir le margáil in ionstraimí airgeadais a mhéid a bhaineann le caighdeáin theicniúla rialála i dtaca le ceanglais trédhearcachta le haghaidh ionaid trádála agus gnólachtaí infheistíochta i leith bannaí, táirgí airgeadais struchtúrtha, lamháltais astaíochtaí agus díorthach (IO L 087, 31.3.2017, lch. 229, ELI: http://data.europa.eu/eli/reg_del/2017/583/2024-01-01).

¹⁴ Rialachán (AE) 2024/791 ó Pharlaimint na hEorpa agus ón gComhairle an 28 Feabhra 2024 lena leasaítear Rialachán (AE) Uimh. 600/2014 a mhéid a bhaineann le trédhearcacht sonraí a fheabhsú, deireadh a chur leis na bacainní atá ar theacht chun cinn teilitéipeanna comhdhlúite, na ceanglais trádála a bharrfheabhsú agus toirmeasc a chur ar íocaíocht a fháil i leith sreabhadh orduithe (IO L, 2024/791, 8.3.2024, ELI: <https://eur-lex.europa.eu/legal-content/GA/TXT/?uri=CELEX:32024R0791>).

Rialachán Tarmligthe (AE) 2017/583, ba cheart na tagairtí sin a thabhairt cothrom le dáta dá réir sin.

- (9) Ba cheart, dá bhrí sin, Rialachán Tarmligthe (AE) 2017/583 a leasú dá réir sin.
- (10) Mar thoradh ar na leasuithe ar Iarscríbhinn III a ghabhann le Rialachán Tarmligthe (AE) 2017/583, ba cheart tagairtí lena sonraítear raon feidhme beacht na n-aicmí sócmhainní a chumhdaítear leis na forálacha sin a chur in ionad na dtagairtí don Iarscríbhinn sin in Airteagal 1(a), pointe (ii), agus in Airteagail 3, 4 agus 5 de Rialachán Tarmligthe (AE) 2017/2194 ón gCoimisiún¹⁵. Thairis sin, ba cheart Airteagal 2 de Rialachán Tarmligthe (AE) 2017/2194 a ailíniú le raon feidhme na ndíorthach thar an gcuntar faoi réir ceanglais trédhearcachta de bhun Airteagal 8a(2) de Rialachán (AE) Uimh. 600/2014.
- (11) Is éard atá in orduithe pacáiste orduithe idirnasctha a dhéantar a phraghsáil mar aonad eacnamaíoch aonair, agus tá riosca ábhartha eacnamaíoch nó airgeadais ag baint le gach comhpháirt i gcomparáid leis na cinn eile. Bheadh sé ar neamhréir leis an gcineál sin trédhearcacht réamhthrádála a éileamh le haghaidh pacáiste den sórt sin i gcás nach mbeadh ceann amháin ar a laghad dá chomhpháirteanna faoi réir ceanglais trédhearcachta réamhthrádála. Dá bhrí sin, níor cheart orduithe pacáiste a bheith faoi réir ceanglais trédhearcachta réamhthrádála ach amháin i gcás ina bhfuil a gcomhpháirteanna uile faoi réir na gceanglas sin.
- (12) Ba cheart, dá bhrí sin, Rialachán Tarmligthe (AE) 2017/2194 a leasú dá réir sin.
- (13) Na sonraí ionchuir agus aschuir is gá chun an teilitéip chomhdhlúite le haghaidh bannaí a oibriú, mar a leagtar amach i Rialachán Tarmligthe (AE) 2025/1155 ón gCoimisiún¹⁶, tá siad bunaithe ar na ceanglais trédhearcachta a leagtar amach i Rialachán Tarmligthe (AE) 2017/583, agus, dá réir sin, cuimsítear iontu freisin sonraí maidir le tráchtearraí arna dtrádáil ar an malartán ('ETCanna') agus nótaí arna dtrádáil ar an malartán ('ETNanna'). Mar sin féin, is féidir le cuimsiú sonraí maidir le ETCanna agus ETNanna sa teilitéip chomhdhlúite le haghaidh bannaí a bheith míthreorach, ós rud é go bhfuil ETCanna agus ETNanna níos cosúla le scaireanna agus ETFanna ná le bannaí. Dá bhrí sin, níor cheart sonraí maidir le ETCanna agus ETNanna a thuairisciú agus a scaipeadh leis an teilitéip chomhdhlúite le haghaidh bannaí.
- (14) Sonraítear le Rialachán Tarmligthe 2025/1155 sonraí ionchuir agus aschuir na teilitéipe comhdhlúite le haghaidh bannaí agus na teilitéipe comhdhlúite le haghaidh scaireanna agus ETFanna. I bhfianaise teilitéip chomhdhlúite le haghaidh díorthaigh thar an gcuntar a bhunú, is gá sonraí ionchuir agus aschuir na teilitéipe comhdhlúite le haghaidh díorthaigh thar an gcuntar a shonrú freisin. Chun ualach míchuí ar rannchuiditheoirí sonraí a sheachaint, agus ábhar na sonraí atá le tarchur chuig an teilitéip chomhdhlúite le haghaidh díorthaigh thar an gcuntar agus le scaipeadh aici á

¹⁵ Rialachán Tarmligthe (AE) 2017/2194 ón gCoimisiún an 14 Lúnasa 2017 lena bhforlíontar Rialachán (AE) 600/2014 ó Pharlaimint na hEorpa agus ón gComhairle maidir le margaí in ionstraimí airgeadais i ndáil le horduithe pacáiste (IO L 312, 28.11.2017, lch. 1, ELI: http://data.europa.eu/eli/reg_del/2017/2194/oj).

¹⁶ Rialachán Tarmligthe (AE) 2025/1155 ón gCoimisiún an 12 Meitheamh 2025 lena bhforlíontar Rialachán (AE) Uimh. 600/2014 ó Pharlaimint na hEorpa agus ón gComhairle maidir le caighdeáin theicniúla rialála lena sonraítear sonraí ionchuir agus aschuir teilitéipeanna comhdhlúite, sioncrónú clog gnó agus athdháileadh ioncaim ag an soláthraí teilitéipe comhdhlúite le haghaidh scaireanna agus ETFanna, agus lena t-aisghairtear Rialachán Tarmligthe (AE) 2017/574 ón gCoimisiún (IO L, 2025/1155, 3.11.2025, ELI: http://data.europa.eu/eli/reg_del/2025/1155/oj).

chinneadh, tá sé tábhachtach comhsheasmhacht a áirithiú leis na ceanglais trédhearcachta réamhthrádála agus iarthrádála le haghaidh díorthaigh a leagtar síos i Rialachán Tarmligthe (AE) 2017/583 agus, a mhéid is féidir, leis na sonraí atá le tarchur chuig na teilitéipeanna comhdhlúite eile agus le scaipeadh acu.

- (15) Dá bhrí sin, ba cheart Rialachán Tarmligthe (AE) 2025/1155 a leasú dá réir sin.
- (16) Leasaíodh Airteagal 12 de Rialachán Tarmligthe (AE) 2017/587 ón gCoimisiún¹⁷ le Rialachán Tarmligthe (AE) 2025/1246 ón gCoimisiún¹⁸ an 18 Meitheamh 2025. Leis an leasú sin, scriosadh Airteagal 12(6) de thaisme lenar ceanglaíodh ar ghnólachtaí infheistíochta na bearta réasúnacha uile a dhéanamh chun a áirithiú go gcuirfí an t-idirbheart ar fáil don phobal mar idirbheart aonair. Le Rialachán Tarmligthe (AE) 2025/1246, coinníodh Airteagal 12(4) de Rialachán Tarmligthe (AE) 2017/587 de thaisme freisin.
- (17) Dá bhrí sin, ba cheart Rialachán Tarmligthe (AE) 2017/587 a cheartú dá réir sin.
- (18) Chun a ndóthain ama a thabhairt do rannpháirtithe sa mhargadh ullmhú do na ceanglais nua, agus bunú tráthúil na teilitéipe comhdhlúite maidir le díorthaigh thar an gcuntar á áirithiú an tráth céanna, ba cheart dáta chur i bhfeidhm na leasuithe ar Rialachán Tarmligthe (AE) 2017/583 agus ar Rialachán Tarmligthe (AE) 2017/2194, agus na leasuithe ar Rialachán Tarmligthe (AE) 2025/1155 a bhaineann le sonraí ionchuir agus aschuir na teilitéipe comhdhlúite maidir le díorthaigh thar an gcuntar a iarchur.
- (19) Is ar na dréachtchaighdeáin theicniúla rialála a chuir ESMA faoi bhráid an Choimisiúin atá an Rialachán seo bunaithe. Reáchtáil ESMA comhairliúcháin phoiblí oscailte maidir leis na dréachtchaighdeáin theicniúla rialála ar a bhfuil an Rialachán seo bunaithe, rinne sé anailís ar na costais agus ar na tairbhí gaolmhara féideartha agus d'iarr sé comhairle ar an nGrúpa Geallsealbhóirí um Urrúis agus Margaí arna bhunú i gcomhréir le hAirteagal 37 de Rialachán (AE) Uimh. 1095/2010 ó Pharlaimint na hEorpa agus ón gComhairle¹⁹.
- (20) Chuathas i gcomhairle leis an sainghrúpa páirtithe leasmhara maidir le cáilíocht agus prótacail tarchurtha sonraí margaidh cothromais agus neamhchothromais i gcomhréir le hAirteagal 11a(3) agus Airteagal 22b(3) de Rialachán (AE) Uimh. 600/2014.

¹⁷ Rialachán Tarmligthe (AE) 2017/587 ón gCoimisiún an 14 Iúil 2016 lena bhforlíontar Rialachán (AE) Uimh. 600/2014 ó Pharlaimint na hEorpa agus ón gComhairle maidir le margaí in ionstraimí airgeadais a mhéid a bhaineann le caighdeáin theicniúla rialála i dtaca le ceanglais trédhearcachta le haghaidh ionaid trádála agus gnólachtaí infheistíochta i leith scaireanna, admhálacha taisclainne, cistí arna dtrádáil ar an malartán, deimhnithe agus ionstraimí airgeadais comhchosúla eile agus i dtaca le hoibleagáidí forghníomhaithe idirbheart i ndáil le scaireanna áirithe ar ionad trádála nó le himmheánaitheoir córasach (IO L 087, 31.3.2017, lch. 387, ELI: http://data.europa.eu/eli/reg_del/2017/587/2026-03-02).

¹⁸ Rialachán Tarmligthe (AE) 2025/1246 ón gCoimisiún an 18 Meitheamh 2025 lena leasaítear na caighdeáin theicniúla rialála a leagtar síos i Rialachán Tarmligthe (AE) 2017/583 agus (AE) 2017/587 a mhéid a bhaineann le ceanglais trédhearcachta le haghaidh ionaid trádála agus gnólachtaí infheistíochta i leith bannaí, táirgí airgeadais struchtúrtha, lamháltais astaíochtaí, agus ionstraimí cothromais (IO L, 2025/1246, 3.11.2025, ELI: <http://data.europa.eu/eli/reg/2025/1246/oj>).

¹⁹ Rialachán (AE) Uimh. 1095/2010 ó Pharlaimint na hEorpa agus ón gComhairle an 24 Samhain 2010 lena mbunaítear Údarás Maoirseachta Eorpach (an tÚdarás Eorpach um Urrúis agus Margaí), lena leasaítear Cinneadh Uimh. 716/2009/CE agus lena t-aisghairtear Cinneadh Uimh. 2009/77/CE ón gCoimisiún (IO L 331, 15.12.2010, lch. 84, ELI: <http://data.europa.eu/eli/reg/2010/1095/oj>).

- (21) Chun córas trédhearcachta éifeachtach agus bunú rathúil na teilitéipe comhdhlúite le haghaidh díorthaigh thar an gcuntar a áirithiú, agus ós rud é go mbaineann forálacha uile an Rialacháin seo le trédhearcacht réamhthrádála agus iarthrádála, is gá na leasuithe ar Rialachán Tarmligthe (AE) 2017/583, (AE) 2017/2194 agus (AE) 2025/1155 agus an ceartúchán ar Rialachán Tarmligthe (AE) 2017/587 a chuimsiú in aon Rialachán amháin,

TAR ÉIS AN RIALACHÁN SEO A GHLACADH:

Airteagal 1

Leasuithe ar Rialachán Tarmligthe (AE) 2017/583

Leasaítear Rialachán Tarmligthe (AE) 2017/583 mar a leanas:

- (1) scriostar Airteagal 1a;
- (2) Cuirtear an méid seo a leanas in ionad Airteagal 3:

‘Airteagal 3

Orduithe atá ar scála mór le haghaidh díorthach

(Airteagal 9(1), pointe (a), de Rialachán (AE) Uimh. 600/2014)

1. Beidh ordú i ndíorthaigh arna dtrádáil ar an malartán ina ordú mór i gcomparáid le gnáthmhéid an mhargaidh más rud é, tráth theacht isteach an ordaithe nó tar éis aon leasú a dhéanamh ar an ordú, go bhfuil sé cothrom leis na tairseacha seo a leanas nó níos mó ná iad:

- (a) maidir le díorthaigh chothromais, na tairseacha réamhthrádála ar scála mór a leagtar amach i dTábla 4.1 d'Iarscríbhinn III;
- (b) maidir le díorthaigh ráta úis, na tairseacha réamhthrádála ar scála mór a leagtar amach i dTábla 4.2 d'Iarscríbhinn III;
- (c) maidir le díorthaigh tráchtearraí agus díorthaigh lamháltas astaíochtaí, na tairseacha réamhthrádála ar scála mór a leagtar amach i dTábla 4.3 d'Iarscríbhinn III;
- (d) maidir le díorthaigh chreidmheasa, na tairseacha réamhthrádála ar scála mór a leagtar amach i dTábla 4.4 d'Iarscríbhinn III;
- (e) maidir le díorthaigh malairte eachtraí, na tairseacha réamhthrádála ar scála mór a leagtar amach i dTábla 4.5 d'Iarscríbhinn III;
- (f) maidir le díorthaigh urrúsaithe, na tairseacha réamhthrádála ar scála mór a leagtar amach i dTábla 4.6 d'Iarscríbhinn III;
- (g) maidir le díorthaigh eile, na tairseacha réamhthrádála ar scála mór a leagtar amach i dTábla 4.7 d'Iarscríbhinn III.

2. Beidh ordú i ndíorthaigh thar an gcuntar dá dtagraítear in Airteagal 8a(2) de Rialachán (AE) Uimh. 600/2014 ina ordú mór i gcomparáid le gnáthmhéid an mhargaidh más rud é, tráth theacht isteach an ordaithe nó tar éis aon leasú a dhéanamh ar an ordú, go bhfuil sé cothrom leis na tairseacha seo a leanas nó níos mó ná iad:

- (a) maidir leis na babhtálacha mainneachtana creidmheasa a thagann faoi raon feidhme Airteagal 8a(2), pointe (a), de Rialachán (AE) Uimh. 600/2014, na tairseacha réamhthrádála ar scála mór a leagtar amach i dTábla 5.1 d'Iarscríbhinn III;

- (b) maidir le díorthaigh ráta úis dá dtagraítear in Airteagal 8a(2), pointe (a), de Rialachán (AE) Uimh. 600/2014, na tairseacha réamhthrádála ar scála mór a leagtar amach i dTábla 5.2 d'Iarscríbhinn III;
 - (c) maidir le babhtálacha mainneachtana creidmheasa aonainm dá dtagraítear in Airteagal 8a(2), pointe (b), de Rialachán (AE) Uimh. 600/2014, na tairseacha réamhthrádála ar scála mór a leagtar amach i dTábla 5.3 d'Iarscríbhinn III;
 - (d) maidir le babhtálacha mainneachtana creidmheasa dá dtagraítear in Airteagal 8a(2), pointe (c), de Rialachán (AE) Uimh. 600/2014, na tairseacha réamhthrádála ar scála mór a leagtar amach i dTábla 5.4 d'Iarscríbhinn III.';
- (3) Cuirtear an méid seo a leanas in ionad Airteagal 6:

'Airteagal 6

Na haicmí díorthach nach bhfuil margadh leachtach ann ina leith
(Airteagal 9(1), pointe (c), de Rialachán (AE) Uimh. 600/2014)

1. Chun a chinneadh an measfar nach bhfuil margadh leachtach ag díorthach arna thrádáil ar an malartán, beidh feidhm ag an gcinneadh leachtachta ar bhonn seasta seo a leanas:

- (a) maidir le díorthaigh chothromais, an cinneadh a leagtar amach i dTábla 4.1 d'Iarscríbhinn III;
- (b) maidir le díorthaigh ráta úis, an cinneadh a leagtar amach i dTábla 4.2 d'Iarscríbhinn III;
- (c) maidir le díorthaigh tráchtearraí agus díorthaigh lamháltas astaíochtaí, an cinneadh a leagtar amach i dTábla 4.3 d'Iarscríbhinn III;
- (d) maidir le díorthaigh chreidmheasa, an cinneadh a leagtar amach i dTábla 4.4 d'Iarscríbhinn III;
- (e) maidir le díorthaigh malairte eachtraí, an cinneadh a leagtar amach i dTábla 4.5 d'Iarscríbhinn III;
- (f) maidir le díorthaigh urrúsaithe, an cinneadh a leagtar amach i dTábla 4.6 d'Iarscríbhinn III;
- (g) maidir le díorthaigh eile, an cinneadh a leagtar amach i dTábla 4.7 d'Iarscríbhinn III.

2. Chun a chinneadh an measfar nach bhfuil margadh leachtach ag díorthach thar an gcuntar dá dtagraítear in Airteagal 8a(2) de Rialachán (AE) Uimh. 600/2014, beidh feidhm ag an gcinneadh leachtachta ar bhonn seasta seo a leanas:

- (a) maidir leis na babhtálacha mainneachtana creidmheasa a thagann faoi raon feidhme Airteagal 8a(2), pointe (a), de Rialachán (AE) Uimh. 600/2014, an cinneadh a leagtar amach i dTábla 5.1 d'Iarscríbhinn III;
- (b) maidir le díorthaigh ráta úis dá dtagraítear in Airteagal 8a(2), pointe (a), de Rialachán (AE) Uimh. 600/2014, an cinneadh a leagtar amach i dTábla 5.2 d'Iarscríbhinn III;

- (c) maidir le babhtálacha mainneachtana creidmheasa aonainm dá dtagraítear in Airteagal 8a(2), pointe (b), de Rialachán (AE) Uimh. 600/2014, an cinneadh a leagtar amach i dTábla 5.3 d'Iarscríbhinn III;
 - (d) maidir le babhtálacha mainneachtana creidmheasa dá dtagraítear in Airteagal 8a(2), pointe (c), de Rialachán (AE) Uimh. 600/2014, an cinneadh a leagtar amach i dTábla 5.4 d'Iarscríbhinn III.';
- (4) In Airteagal 7, cuirtear an méid seo a leanas in ionad mhír 8:
- ‘8. Áireofar san fhaisnéis a bhaineann le hidirbheart pacáiste bratach an idirbhirt pacáiste nó bratacha an idirbhirt malartaithe le haghaidh sócmhainní fisiceacha a shonraítear i dTábla 3 d'Iarscríbhinn II. I gcás ina mbeidh idirbheart pacáiste incháilithe d'fhoilsiú iarchurtha, cuirfear faisnéis maidir le gach comhpháirt ar fáil tar éis don tréimhse iarchurtha le haghaidh an idirbhirt dul i léig.';
- (5) Cuirtear an méid seo a leanas in ionad Airteagal 8:

‘Airteagal 8

Foilsiú iarchurtha idirbheart le haghaidh díorthach

(Airteagal 11a(1) agus (3) de Rialachán (AE) Uimh. 600/2014)

1. Féadfaidh oibreoirí margaidh a bhfuil margadh rialáilte á oibriú acu foilsiú mionsonraí idirbheart i leith díorthaigh arna dtrádáil ar mhalartán a iarchur, i gcomhréir leis an méid seo a leanas:

- (a) maidir le díorthaigh chothromais, iarchur méid agus iarchur praghais nach faide ná an fad a leagtar amach i dTábla 4.1 d'Iarscríbhinn III, le haghaidh gach catagóire idirbheart dá dtagraítear in Airteagal 11a(1) de Rialachán (AE) Uimh. 600/2014 agus a shonraítear sa Tábla sin;
- (b) maidir le díorthaigh ráta úis, iarchur méid agus iarchur praghais nach faide ná an fad a leagtar amach i dTábla 4.2 d'Iarscríbhinn III, le haghaidh gach catagóire idirbheart dá dtagraítear in Airteagal 11a(1) de Rialachán (AE) Uimh. 600/2014 agus a shonraítear sa Tábla sin;
- (c) maidir le díorthaigh tráchtearraí agus díorthaigh lamháltas astaíochtaí, iarchur méid agus iarchur praghais nach faide ná an fad a leagtar amach i dTábla 4.3 d'Iarscríbhinn III, le haghaidh gach catagóire idirbheart dá dtagraítear in Airteagal 11a(1) de Rialachán (AE) Uimh. 600/2014 agus a shonraítear sa Tábla sin;
- (d) maidir le díorthaigh chreidmheasa, iarchur méid agus iarchur praghais nach faide ná an fad a leagtar amach i dTábla 4.4 d'Iarscríbhinn III, le haghaidh gach catagóire idirbheart dá dtagraítear in Airteagal 11a(1) de Rialachán (AE) Uimh. 600/2014 agus a shonraítear sa Tábla sin;
- (e) maidir le díorthaigh malairte eachtraí, iarchur méid agus iarchur praghais nach faide ná an fad a leagtar amach i dTábla 4.5 d'Iarscríbhinn III, le haghaidh gach catagóire idirbheart dá dtagraítear in Airteagal 11a(1) de Rialachán (AE) Uimh. 600/2014 agus a shonraítear sa Tábla sin;
- (f) maidir le díorthaigh urrúsaithe, iarchur méid agus iarchur praghais nach faide ná an fad a leagtar amach i dTábla 4.6 d'Iarscríbhinn III, le haghaidh gach catagóire idirbheart dá dtagraítear in Airteagal 11a(1) de Rialachán (AE) Uimh. 600/2014 agus a shonraítear sa Tábla sin;

- (g) maidir le díorthaigh eile, iarchur méid agus iarchur praghais nach faide ná an fad a leagtar amach i dTábla 4.7 d'Iarscríbhinn III, le haghaidh gach catagóire idirbheart dá dtagraítear in Airteagal 11a(1) de Rialachán (AE) Uimh. 600/2014 agus a shonraítear sa Tábla sin.

2. Féadfaidh oibreoirí margaidh agus gnólachtaí infheistíochta a bhfuil saoráid trádála iltaobhach (MTF) nó saoráid trádála eagraithe (OTF) á oibriú acu agus gnólachtaí infheistíochta a thrádálann lasmuigh d'ionad trádála foilsíú mionsonraí idirbheart i leith díorthaigh thar an gcuntar dá dtagraítear in Airteagal 8a(2) de Rialachán (AE) Uimh. 600/2014 a iarchur i gcomhréir leis an méid seo a leanas:

- (a) maidir leis na babhtálacha mainneachtana creidmheasa a thagann faoi raon feidhme Airteagal 8a(2), pointe (a), de Rialachán (AE) Uimh. 600/2014, iarchur méid agus iarchur praghais nach faide ná an fad a leagtar amach i dTábla 5.1 d'Iarscríbhinn III, le haghaidh gach catagóire idirbheart dá dtagraítear in Airteagal 11a(1) de Rialachán (AE) Uimh. 600/2014 agus a shonraítear sa Tábla sin;
- (b) maidir le díorthaigh ráta úis dá dtagraítear in Airteagal 8a(2), pointe (a), de Rialachán (AE) Uimh. 600/2014, iarchur méid agus iarchur praghais nach faide ná an fad a leagtar amach i dTábla 5.2 d'Iarscríbhinn III, le haghaidh gach catagóire idirbheart dá dtagraítear in Airteagal 11a(1) de Rialachán (AE) Uimh. 600/2014 agus a shonraítear sa Tábla sin;
- (c) maidir le babhtálacha mainneachtana creidmheasa aonainm dá dtagraítear in Airteagal 8a(2), pointe (b), de Rialachán (AE) Uimh. 600/2014, iarchur méid agus iarchur praghais nach faide ná an fad a leagtar amach i dTábla 5.3 d'Iarscríbhinn III, le haghaidh gach catagóire idirbheart dá dtagraítear in Airteagal 11a(1) de Rialachán (AE) Uimh. 600/2014 agus a shonraítear sa Tábla sin;
- (d) maidir le babhtálacha mainneachtana creidmheasa dá dtagraítear in Airteagal 8a(2), pointe (c), de Rialachán (AE) Uimh. 600/2014, iarchur méid agus iarchur praghais nach faide ná an fad a leagtar amach i dTábla 5.4 d'Iarscríbhinn III, le haghaidh gach catagóire idirbheart dá dtagraítear in Airteagal 11a(1) de Rialachán (AE) Uimh. 600/2014 agus a shonraítear sa Tábla sin.';

(6) scriostar Airteagail 9, 10 agus 11;

(7) Cuirtear an méid seo a leanas in ionad Airteagal 13:

‘Airteagal 13

Modheolaíocht chun na tairseacha trédhearcachta le haghaidh díorthaigh chothromais a chinneadh

(Airteagal 9(1), pointe (a), agus Airteagal 11a(1) de Rialachán (AE) Uimh. 600/2014)

1. Chun an tairseach réamhthrádála ar scála mór agus an tairseach méide iarthrádála is infheidhme a chinneadh le haghaidh díorthach cothromais áirithe arna thrádáil ar an malartán, déanfaidh oibreoirí margaidh a bhfuil margadh rialáilte á oibriú acu gach aicme díorthach cothromais a dheighilt ina bhfo-aicmí, mar a leagtar amach i dTábla 4.1. d'Iarscríbhinn III, agus cuirfidh siad i bhfeidhm, maidir le gach fo-aicme, na bandaí meánmhéid bharúlaigh laethúil ('ADNA') a leagtar amach sa Tábla sin.

2. Déanfaidh oibreoirí margaidh a bhfuil margadh rialáilte á oibriú acu, gach 2 bhliain, na ríomhanna is gá chun an meánmhéid barúlach laethúil d'fhó-aicme ar leith de dhíorthaigh chothromais arna dtrádáil ar an malartán a chinneadh, ar bhonn an mheánmhéid bharúlaigh laethúil arna thaifeadadh ón 1 Eanáir go dtí an 31 Nollaig den 2 bhliain roimhe sin.

3. Déanfaidh margaidh a bhfuil margadh rialáilte á oibriú acu torthaí na ríomhanna arna ndéanamh i gcomhréir le mír 2 a fhoilsiú mí amháin ar a dhéanaí roimh chur i bhfeidhm na dtairseach dá dtagraítear i mír 1.;

(8) Cuirtear an méid seo a leanas in ionad Airteagail 14, 15 agus 16:

‘Airteagal 14

Idirbhearta arna ndéanamh ag comhaltaí CEBC nach comhaltaí den Eurochóras iad agus a bhfuil feidhm ag an díolúine in Airteagal 1(6) de Rialachán (AE) Uimh. 600/2014 maidir leo
(Airteagal 1(6) de Rialachán (AE) Uimh. 600/2014)

I gcás ina gcomhlíonann idirbheart aon cheann de na ceanglais seo a leanas, measfar go ndearna comhalta den Chóras Eorpach Banc Ceannais (CEBC) nach comhalta den Eurochóras é le linn dó beartas airgeadaíochta, beartas malairte eachtraí agus beartas cobhsaíochta airgeadais a chomhlíonadh:

- (a) déantar an t-idirbheart chun críocha an bheartais airgeadaíochta, lena n-áirítear oibríocht a dhéantar faoi fhorálacha náisiúnta atá coibhéiseach le hAirteagail 18 agus 20 de Reacht CEBC agus BCE atá i gceangal leis an gConradh ar Fheidhmiú an Aontais Eorpaigh*;
- (b) is oibríocht um malairt eachtrach é an t-idirbheart, lena n-áirítear oibríochtaí a dhéantar chun cúlchistí eachtracha oifigiúla Ballstáit nach bhfuil an euro mar airgeadra aige a shealbhú nó a bhainistiú, agus seirbhísí bainistithe cúlchistí arna soláthar ag comhalta de CEBC nach comhalta den Eurochóras é chuig bainc cheannais tríú tíortha, i gcás inar leathnaíodh an díolúine a leagtar amach in Airteagal 1(6) de Rialachán (AE) Uimh. 600/2014 chun na bainc cheannais sin a chumhdach i gcomhréir le hAirteagal 1(9) den Rialachán sin;
- (c) déantar an t-idirbheart chun críocha an bheartais cobhsaíochta airgeadais.

* Prótocal (Uimh. 4) maidir le Reacht CEBC agus BCE (IO C 202, 7.6.2016, lch. 230).

Airteagal 15

Idirbhearta arna ndéanamh ag comhaltaí CEBC nach comhaltaí den Eurochóras iad agus nach bhfuil feidhm ag an díolúine in Airteagal 1(6) de Rialachán (AE) Uimh. 600/2014 maidir leo
(Airteagal 1(7) de Rialachán (AE) Uimh. 600/2014)

Ní bheidh feidhm ag Airteagal 1(6) de Rialachán (AE) Uimh. 600/2014 maidir leis na cineálacha idirbheart seo a leanas a dhéanann comhalta de CEBC nach comhalta den Eurochóras é chun oibríocht infheistíochta a fheidhmiú nach bhfuil baint aici lena mhéad a chomhlíonann an comhalta sin ceann amháin de na cúraimí dá dtagraítear in Airteagal 14 den Rialachán seo:

- (a) idirbhearta a dhéantar chun a chistí dílse a bhainistiú;

- (b) idirbhearta a dhéantar chun críoch riaracháin nó le haghaidh fhoireann an chomhalta de CEBC, lena n-áirítear idirbhearta a dhéantar i gcáil riarthóra ar scéim pinsin dá fhoireann;
- (c) idirbhearta a dhéantar dá phunann infheistíochta de bhun oibleagáidí faoin dlí náisiúnta.

Airteagal 16

Oibleagáidí trédhearcachta a chur ar fionraí go sealadach

(Airteagal 9(4) de Rialachán (AE) Uimh. 600/2014)

1. I gcás ionstraimí airgeadais a bhfuil margadh leachtach ann ina leith, mar a chinntear ar bhonn na modheolaíochta a leagtar amach in Airteagal 6a den Rialachán seo maidir le bannaí, táirgí airgeadais struchtúrtha agus lamháltais astaíochtaí, agus in Airteagal 6 den Rialachán seo maidir le díorthaigh, féadfaidh na húdaráis inniúla na hoibleagáidí a leagtar amach in Airteagail 8, 8a agus 10 de Rialachán (AE) Uimh. 600/2014 a chur ar fionraí go sealadach i gcás, i ndáil le haicme bannaí, táirgí airgeadais struchtúrtha, lamháltas astaíochtaí nó díorthach, gur lú an méid iomlán dá dtagraítear i dTábla 4 d'Iarscríbhinn II a ghabhann leis an Rialachán seo, arna ríomh don 30 lá féilire roimhe sin, ná 40 % den mheánmhéid míosúil arna ríomh don 12 mhí féilire iomlána roimh na 30 lá féilire sin.

2. I gcás ionstraimí airgeadais nach bhfuil margadh leachtach ann ina leith, mar a chinntear ar bhonn na modheolaíochta a leagtar amach in Airteagal 6a den Rialachán seo maidir le bannaí, táirgí airgeadais struchtúrtha agus lamháltais astaíochtaí, agus in Airteagal 6 den Rialachán seo maidir le díorthaigh, féadfaidh na húdaráis inniúla na hoibleagáidí dá dtagraítear in Airteagail 8, 8a agus 10 de Rialachán (AE) Uimh. 600/2014 a chur ar fionraí go sealadach i gcás, maidir le haicme bannaí, táirgí airgeadais struchtúrtha, lamháltas astaíochtaí nó díorthach, gur lú an méid iomlán dá dtagraítear i dTábla 4 d'Iarscríbhinn II a ghabhann leis an Rialachán seo, arna ríomh don 30 lá féilire roimhe sin, ná 20 % den mheánmhéid míosúil arna ríomh don 12 mhí féilire iomlána roimh na 30 lá féilire sin.

3. Cuirfidh na húdaráis inniúla san áireamh na hidirbhearta a fhorghníomhaítear ar gach ionad san Aontas le haghaidh aicme na mbannaí, na dtáirgí airgeadais struchtúrtha, na lamháltas astaíochtaí nó na ndíorthach lena mbaineann agus na ríomhanna dá dtagraítear i mír 1 agus i mír 2 á ndéanamh acu.

Déanfaidh na húdaráis inniúla na ríomhanna sin ar leibhéal na haicme ionstraimí airgeadais a gcuirtear an cinneadh leachtachta a leagtar amach in Airteagal 6a maidir le bannaí, táirgí airgeadais struchtúrtha agus lamháltais astaíochtaí, agus in Airteagal 6 maidir le díorthaigh, i bhfeidhm ina leith.

4. Sula gcuirfidh údaráis inniúla oibleagáidí trédhearcachta ar fionraí, fíoróidh siad nach bhfuil an laghdú mór ar leachtacht i ngach ionad mar thoradh ar éifeachtaí séasúracha na haicme ábhartha ionstraimí airgeadais ar leachtacht.';

- (9) Leasaítear Iarscríbhinní II agus III i gcomhréir le hIarscríbhinn I a ghabhann leis an Rialachán seo;
- (10) Scriostar Iarscríbhinní IV agus V.

Airteagal 2

Leasuithe ar Rialachán Tarmligthe (AE) 2017/2194

Leasaítear Rialachán Tarmligthe (AE) 2017/2194 mar a leanas:

(1) leasaítear Airteagal 1 mar a leanas:

(a) i bpointe (a), cuirtear an méid seo a leanas in ionad phointe (ii):

‘(ii) nach mbaineann comhpháirteanna an ordaithe pacáiste go heisiach le ceann de na haicmí sócmhainní de dhíorthaigh chothromais, de dhíorthaigh tráchtearraí, de dhíorthaigh ráta úis agus de dhíorthaigh chreidmheasa a leagtar amach i Rialachán Tarmligthe (AE) 2017/583 ón gCoimisiún*;

* Rialachán Tarmligthe (AE) 2017/583 ón gCoimisiún an 14 Iúil 2016 lena bhforlíontar Rialachán (AE) Uimh. 600/2014 ó Pharlaimint na hEorpa agus ón gComhairle maidir le margáí in ionstraimí airgeadais a mhéid a bhaineann le caighdeáin theicniúla rialála i dtaca le ceanglais trédhearcachta le haghaidh ionaid trádála agus gnólachtaí infheistíochta i leith bannaí, táirgí airgeadais struchtúrtha, lamháltais astaíochtaí agus díorthach (IO L 87, 31.3.2017, lch. 229).’;

(b) i bpointe (b), cuirtear an pointe (iiia) seo a leanas isteach:

‘(iiia) tá comhpháirteanna uile an ordaithe pacáiste faoi réir na gceanglas trédhearcachta réamhthrádála a leagtar amach in Airteagal 8a de Rialachán (AE) Uimh. 600/2014;’;

(2) leasaítear Airteagal 2 mar a leanas:

(a) leasaítear an chéad mhír mar a leanas:

(i) cuirtear an méid seo a leanas in ionad na habairte réamhráití:

‘Is iad seo a leanas na critéir a bhaineann go sonrach le haicme sócmhainní dá dtagraítear in Airteagal 1, pointe (b)(iv), maidir le horduithe pacáiste nach bhfuil iontu ach díorthaigh rátaí úis;’;

(ii) cuirtear an méid seo a leanas in ionad phointe (b):

‘(b) baineann comhpháirteanna uile an ordaithe pacáiste leis an bhfo-aicme chéanna sócmhainní de dhíorthaigh ráta úis, arb éard a bheidh iontu aon cheann díobh seo a leanas:

- (i) todhchaíochtaí ráta úis;
- (ii) céadroghanna ar ráta úis;
- (iii) todhchaíochtaí bannaí;
- (iv) roghanna bannaí;
- (v) roghtálacha;
- (vi) babhtálacha in airgeadra aonair seasta-go-comhlúthach;
- (vii) babhtálacha in airgeadra aonair comhlúthach-go-comhlúthach;
- (viii) airgeadra aonair Babhtála Innéacs thar Oíche;
- (ix) babhtálacha in airgeadra aonair seasta-go-seasta.
- (x) babhtálacha in airgeadra aonair bunaithe ar bhoilsciú;
- (xi) babhtálacha il-airgeadra seasta-go-comhlúthach;

- (xii) babhtálacha il-airgeadra comhlúthach-go-comhlúthach;
 - (xiii) il-airgeadra Babhtála Innéacs thar Oíche;
 - (xiv) babhtálacha il-airgeadra seasta-go-seasta;
 - (xv) babhtálacha il-airgeadra bunaithe ar bhoilsciú;’;
- (iii) cuirtear an méid seo a leanas in ionad phointe (d):
- ‘(d) i gcás ina bhfuil babhtálacha ráta úis san ordú pacáiste, tá ceann de na haibíochtaí a leagtar amach in Airteagal 8a(2), pointe (a), de Rialachán (AE) Uimh. 600/2014 ag comhpháirteanna an ordaithe pacáiste sin;’;
- (b) cuirtear an méid a leanas in ionad an dara mír:
- ‘Chun críocha phointe (d), measfar go bhfuil ceann de na haibíochtaí a leagtar amach in Airteagal 8a(2), pointe (a), de Rialachán (AE) Uimh. 600/2014 ag comhpháirt d’ordú pacáiste i gcás ina bhfuil an tréimhse idir dáta éifeachtach an chonartha agus dáta éaga an chonartha cothrom le ceann de na tréimhsí ama a liostaítear san Airteagal sin.’;
- (3) leasaítear Airteagal 3 mar a leanas:
- (a) cuirtear an méid seo a leanas in ionad na habairte réamhráití:
- ‘Is iad seo a leanas na critéir a bhaineann go sonrach le haicme sócmhainní dá dtagraítear in Airteagal 1, pointe (b)(iv), maidir le horduithe pacáiste nach bhfuil iontu ach díorthaigh chothromais:’;
- (b) cuirtear an méid seo a leanas in ionad phointe (b):
- ‘(b) baineann comhpháirteanna uile an ordaithe pacáiste leis an bhfo-aicme chéanna sócmhainní de dhíorthaigh chothromais, arb éard a bheidh iontu aon cheann díobh seo a leanas:
- (i) scair-roghanna
 - (ii) todhchaíochtaí stoic;
 - (iii) roghanna stoc-innéacs;
 - (iv) todhchaíochtaí innéacsanna stoic;
 - (v) todhchaíochtaí innéacs díbhinní;
 - (vi) roghanna innéacs díbhinní;
 - (vii) todhchaíochtaí díbhinní stoic;
 - (viii) roghanna díbhinní stoic;
 - (ix) roghanna innéacs luaineachta;
 - (x) todhchaíochtaí innéacs luaineachta;
 - (xi) roghanna ETF;
 - (xii) todhchaíochtaí ETF;
 - (xiii) babhtálacha;
 - (xiv) babhtálacha punainne;’;
- (4) in Airteagal 4, cuirtear an méid seo a leanas in ionad phointe (b):

‘(b) is babhtálacha mainneachtana creidmheasa innéacs iad comhpháirteanna uile an ordaithe pacáiste, is é sin le rá, babhtálacha ina bhfuil na sreafaí airgid nasctha le hacmhainneacht creidmheasa roinnt eisitheoirí ionstraimí airgeadais ar innéacs iad, agus le teagmhais chreidmheasa a tharlaíonn;’;

- (5) in Airteagal 5, cuirtear an méid seo a leanas in ionad phointe (b):

‘(b) is éard atá i gcomhpháirteanna uile an ordaithe pacáiste todhchaíochtaí díorthach tráchtearraí ag a bhfuil tráchtearra foluiteach talmhaíochta, fuinnimh nó miotail;’.

Airteagal 3

Leasuithe ar Rialachán Tarmligthe (AE) 2025/1155

Leasaítear Rialachán Tarmligthe (AE) 2025/1155 mar a leanas:

- (1) in Airteagal 5, cuirtear an méid seo a leanas in ionad mhír 1:

‘1. Maidir le croí-shonraí margaidh le haghaidh banna ar leith, cé is moite de thráchtearraí arna dtrádáil ar an malartán agus nótaí arna dtrádáil ar an malartán, tarchuirfidh rannchuiditheoirí sonraí chuig lárionad sonraí an CTP, faoi threoir gach idirbhirt, na mionsonraí a leagtar amach i dTábla 6 d’Iarscríbhinn II a bhfuil ‘ionchur’ nó ‘an dá cheann’ luaite leo sa cholún deireanach de Thábla 6.’;

- (2) cuirtear Airteagal 6a seo a leanas isteach:

‘Airteagal 6a

Sonraí atá le tarchur chuig an CTP le haghaidh díorthaigh thar an gcuntar

(Airteagal 22b(1) agus Airteagal 22b(3), pointe (d), de Rialachán (AE) Uimh. 600/2014)

1. Maidir le croí-shonraí margaidh le haghaidh díorthach OTC ar leith, tarchuirfidh rannchuiditheoirí sonraí chuig lárionad sonraí an CTP, faoi threoir gach idirbhirt, na mionsonraí a leagtar amach i dTábla 10 d’Iarscríbhinn II a bhfuil ‘ionchur’ nó ‘an dá cheann’ luaite leo sa cholún deireanach de Thábla 10.

2. Maidir le sonraí rialála, tarchuirfidh rannchuiditheoirí sonraí chuig lárionad sonraí an CTP, faoi threoir gach ionstraim airgeadais, na mionsonraí a leagtar amach i dTábla 8 d’Iarscríbhinn II a bhfuil ‘an dá cheann’ luaite leo sa cholún deireanach de Thábla 8.

3. Maidir le sonraí rialála, tarchuirfidh rannchuiditheoirí sonraí chuig lárionad sonraí an CTP, faoi threoir gach córais trádála, na mionsonraí a leagtar amach i dTábla 9 d’Iarscríbhinn II a bhfuil ‘an dá cheann’ luaite leo sa cholún deireanach de Thábla 9.’;

- (3) in Airteagal 7, cuirtear an méid seo a leanas in ionad mhír 1:

‘1. Maidir le croí-shonraí margaidh le haghaidh banna ar leith, cé is moite de thráchtearraí arna dtrádáil ar an malartán agus nótaí arna dtrádáil ar an malartán, scaipfidh CTP, faoi threoir gach idirbhirt, na mionsonraí a leagtar amach i dTábla 6 d’Iarscríbhinn II a bhfuil ‘aschur’ nó ‘an dá cheann’ luaite leo sa cholún deireanach de Thábla 6.’;

- (4) cuirtear Airteagal 8a seo a leanas isteach:

‘Airteagal 8a

Sonraí atá le scaipeadh ag an CTP le haghaidh díorthaigh thar an gcuntar

(Airteagal 22b(1) agus Airteagal 22b(3), pointe (b), de Rialachán (AE) Uimh. 600/2014)

1. Maidir le croí-shonraí margaidh le haghaidh díorthach OTC ar leith, scaipfidh an CTP, faoi threoir gach idirbhirt, na mionsonraí a leagtar amach i dTábla 10 d'Iarscríbhinn II a bhfuil ‘aschur’ nó ‘an dá cheann’ luaite leo sa cholún deireanach de Thábla 10.
 2. Maidir le sonraí rialála a bhaineann le díorthaigh thar an gcuntar, scaipfidh an CTP an méid seo a leanas:
 - (a) faoi threoir gach ionstraime airgeadais, na mionsonraí a leagtar amach i dTábla 8 d'Iarscríbhinn II a bhfuil ‘aschur’ nó ‘an dá cheann’ luaite leo sa cholún deireanach de Thábla 8;
 - (b) faoi threoir gach córais trádála, na mionsonraí a leagtar amach i dTábla 9 d'Iarscríbhinn II a bhfuil ‘aschur’ nó ‘an dá cheann’ luaite leo sa cholún deireanach de Thábla 9.’;
- (5) leasaítear Iarscríbhinn II i gcomhréir le hIarscríbhinn II a ghabhann leis an Rialachán seo;
- (6) leasaítear Iarscríbhinn IV i gcomhréir le hIarscríbhinn III a ghabhann leis an Rialachán seo.

Airteagal 4

Ceartúcháin ar Rialachán Tarmligthe (AE) 2017/587

I Rialachán Tarmligthe (AE) 2017/ 587, ceartaítear Airteagal 12 mar a leanas:

- (1) scriostar mír 4;
- (2) cuirtear mír 6 seo a leanas isteach:

‘6. Déanfaidh gnólachtaí infheistíochta na beart réasúnacha uile chun a áirithiú go gcuirfear an t-idirbheart ar fáil don phobal mar idirbheart aonair. Chun na críche sin, measfar gur idirbheart aonair iad dhá thrádáil mheaitseála arna ndéanamh an tráth céanna agus ar an bpraghas céanna le páirtí aonair arna n-idirchur.’.

Airteagal 5

Teacht i bhfeidhm agus cur i bhfeidhm

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm ag Airteagail 1, 2 agus 3(1) go (5) ón 1 Márta 2027.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 13.7.2026

Thar ceann an Choimisiúin
An tUachtarán
Ursula VON DER LEYEN